



SLUŽBENE NOVINE

KANTONA SARAJEVO

Godina XXIV – Broj 47

Četvrtak, 28. novembra 2019. godine
SARAJEVO

ISSN 1512-7052

KANTON SARAJEVO

Skupština Kantona Sarajevo Kolegij Skupštine

Na osnovu člana 103. Poslovnika Skupštine Kantona Sarajevo ("Službene novine Kantona Sarajevo" - broj 41/12 - Drugi novi prečišćeni tekst i broj 15/13, 47/13, 47/15, 48/16), Kolegij Skupštine, na prijedlog Sekretara Skupštine, donosi

PRAVILNIK

O POSLANIČKOJ/ZASTUPNIČKOJ LEGITIMACIJI

Član 1.

Ovim pravilnikom utvrđuju se obaveze i način izdavanja službene legitimacije (u daljem tekstu: legitimacija), poslanici/zastupnicima u Skupštini Kantona Sarajevo (u daljem tekstu: poslanik/zastupnik), zamjena i vođenje evidencije o izdatim legitimacijama.

Član 2.

- (1) Poslaniku/zastupniku u Skupštini Kantona Sarajevo izdaje se legitimacija.
- (2) Legitimacija je javna isprava.
- (3) Legitimacija sadrži podatke o identitetu poslanika/zastupnika i druge podatke predviđene zakonom.

Član 3.

Poslanik/zastupnik dužan je nositi legitimaciju i pokazati je nadležnom organu kada na osnovu legitimacije treba da ostvari odgovarajuća prava.

Član 4.

- (1) Obrazac legitimacije je izrađen na punijem papiru i zaštićen omotom od prozirne mase.
- (2) Legitimacija je pravokutnog oblika dimenzije 9,0 x 6,0 cm.
- (3) Legitimacija se izdaje prema obrascu koji je odštampan uz ovaj Pravilnik i čini njegov sastavni dio.

Član 5.

Obrazac legitimacije izrađuje Služba za zajedničke poslove Kantona Sarajevo.

Član 6.

- (1) Legitimacija sadrži:
 - Grb Kantona,
 - natpis: Bosna i Hercegovina, Federacija Bosne i Hercegovine, Kanton Sarajevo, Skupština Kantona Sarajevo, poslanička/zastupnička legitimacija,

- prezime i ime poslanika/zastupnika,
- serijski broj,
- fotografiju poslanika/zastupnika na čije ime glasi legitimacija, veličine 2,5 x 3,5 cm,
- period važenja (mandatni period),
- potpis Predsjedavajućeg Skupštine Kantona Sarajevo,
- pečat Skupštine Kantona Sarajevo.

- (2) Na poleđini legitimacije odštampan je tekst sljedećeg sadržaja:

PRAVA POSLANIKA/ZASTUPNIKA

Poslanici Skupštine ne podliježu krivično-pravnoj ni građansko-pravnoj odgovornosti za radnje koje čine u okviru svojih dužnosti u Skupštini. (Član 20. Ustava Kantona Sarajevo "Službene novine Kantona Sarajevo", broj 1/96, 2/96 - Ispravka, 3/96- Ispravka, 16/97, 14/00, 4/01, 28/04, 6/13 i 31/17).

Član 7.

- (1) Legitimacija vrijedi od dana izdavanja do dana prestanka mandata poslanika/zastupnika.
- (2) Nakon prestanka mandata poslanika/zastupnika, poslanik/zastupnik je dužan vratiti legitimaciju Skupštini Kantona Sarajeva, a najkasnije u roku od 30 dana od dana prestanka mandata.

Član 8.

- (1) U slučaju da poslanik/zastupnik izgubi legitimaciju, ili na drugi način ostane bez nje, dužan je da o tome odmah a najkasnije u roku od pet (5) dana od dana gubljenja ili nestanka legitimacije obavijestiti Skupštinu Kantona, uz podnošenje pismene izjave o vremenu i načinu gubitka ili nestanka legitimacije.
- (2) Poslaniku/zastupniku iz stava 1. ovog člana se izdaje nova legitimacija.

Član 9.

- (1) O izdatim i zamijenjenim legitimacijama vodi se evidencija.
- (2) Evidencija iz stava 1. ovog člana sadrži:
 - redni broj,
 - ime i prezime poslanika/zastupnika kome je izdata legitimacija,
 - serijski broj legitimacije,
 - datum izdavanja, datum vraćanja i potpis poslanika/zastupnika koji prima i vraća legitimaciju.
- (3) Sekretar Skupštine Kantona Sarajevo ili lice koje on odredi stara se o evidenciji izdatih legitimacija.

Član 10.


Sastavni dio ovog Pravilnika je obrazac legitimacije poslanika/zastupnika u Skupštini Kantona Sarajevo.

Član 11.


Ovaj Pravilnik stupa na snagu danom donošenja, a objaviće se u "Službenim novinama Kantona Sarajevo".

Broj 01-05-23497-15/19
15. novembra 2019. godine
Sarajevo

Predsjedavajući
Skupštine Kantona Sarajevo
Elmedin Konaković, s. r.



Bosna i Hercegovina
Federacija Bosne i Hercegovine
KANTON SARAJEVO



LEGITIMACIJA

Poslanika-ice / Zastupnika-ice
Skupštine Kantona Sarajevo
za mandatni period XXXX-YYYY

Ime Prezime

Br. 000

**PRAVA POSLANIKA/ZASTUPNIKA
SKUPŠTINE KANTONA SARAJEVO**

Poslanici Skupštine ne podliježu krivično-pravnoj ni građansko-pravnoj odgovornosti za radnje koje čine u okviru svojih dužnosti u Skupštini. (Član 20. Ustava Kantona Sarajevo "Službene novine Kantona Sarajevo", broj 1/96, 2/96-Ispravka, 3/96-Ispravka, 16/97, 14/00, 4/01, 28/04, 6/13 i 31/17).

M.P.

Važi do isteka
mandata YYYY god.

Ime Prezime
Predsjedavajući skupštine Kantona Sarajevo